

# কেরোসিন-চিনির ভতুঁকি বন্ধ ও কোটা কমানোর প্রতিবাদ

এসইউসিআই(সি)-র সাধারণ সম্পাদক কমরেড প্রভাস ঘোষ ১৪ জুলাই নিম্নলিখিত বিবৃতি দিয়েছেন

ঃ

‘একের পর এক জনবিরোধী পদক্ষেপের ধারাবাহিকতায় বিজেপি পরিচালিত কেন্দ্রীয় সরকার অতি সম্প্রতি রাজ্যের চিনির কোটা কমিয়ে দিয়েছে এবং ভতুঁকি বন্ধ করে দিয়েছে। ঠিক যেমন সম্প্রতি নানা অছিলায় অন্ত্যোদয় যোজনার অন্তর্ভুক্ত ব্যক্তি ছাড়া বিপিএল তালিকাভুক্তদেরও কেরোসিনের কোটা কমিয়ে দিয়েছে। এর ফলে এই দু’টি জিনিসের দাম বাড়বে, যেমন করে অন্যান্য নিত্যপ্রয়োজনীয় জিনিসপত্রের দাম বাড়িয়ে খেটে খাওয়া মানুষের যথাসর্বস্ব কেড়ে নেওয়া হচ্ছে। অন্যদিকে এই কেন্দ্রীয় সরকারই উন্নয়নের নামে বৃহৎ শিল্পপতি এবং কর্পোরেটদের ট্যাক্স ছাড় দিচ্ছে, ট্যাক্স কমিয়ে দিচ্ছে, অর্থ সাহায্য দিচ্ছে, ঋণ মকুব করে দিচ্ছে। এইসব ঘটনা স্পষ্টভাবে দেখিয়ে দিচ্ছে, বিজেপি সরকার কেমন নগ্নভাবে শাসক পুঁজিপতি শ্রেণির স্বার্থরক্ষা করছে এবং মেহনতি মানুষের শেষ রক্তবিন্দু পর্যন্ত শুষে নিচ্ছে।

আমরা কেন্দ্রীয় সরকারের এই গরিবমারা নীতির তীব্র বিরোধিতা করছি এবং কেরোসিন ও চিনির ভতুঁকি বন্ধ করা এবং কোটা কমানোর সিদ্ধান্ত অবিলম্বে বাতিল করার দাবি জানাচ্ছি।’